

1671.3443
11074
116

重修固始縣志

卷二

固始縣志

卷五

原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八
賢母 貞節 貞烈 孝淑

卷二十六

列傳藝文第二十九
列女藝文附

重修固始縣志

卷二十六

邑令武進謝聘修

列傳藝文志

列傳諸公家傳墓誌銘

明

大叅中滙吳公傳

余思明

公諱同春字伯與別號中滙其先世爲臨川移籍固陵
世累清白抵公生而岐嶷聰穎不羣稍長就外傳而公
尊大人以清貧不欲強學潛自淬勵昕夕不輟有古囊

螢映雪之風焉。暨補弟子員鄉先達中丞張公廖公俱
一時名賢率大相期許而公果以丁卯薦矣。茹蔬績學
究文清文毅之理。學士大夫多出其門。甲戌登孫栢潭
榜。殿會俱省元。而公持謙約儉素不異諸生。時初除守
桐川。清慎明允。一意循州政。最不便者山川阻礙。餉
運爲苦。公首爲䟽例。請改折情辭哀懇。即得奉恩。允民
殊利之。又均審徭役。不避寒暑。粥活飢殍。不辭躬理。民
俗溺女。則引喻好生。動以良心。而俗頓化。以俸移刑部
副郎。士民戴公德。建祠時祭。適大計司銓者採朝議註。

爲天下州治第一欽賞銀幣時論榮之後奉命恤刑關
中殫精悉慮起滯拔幽所開豁甚夥考錄又稱第一尋
以本部郎中出守晉陽公曰此古重地保障其政首也
乃繕城以壯金湯廣儲以厚民命綜政之暇敦禮鄉先
達齒德俱邵者立崇真會如香山九老之社公致館穀
勤倡率以彰德義以程風教士君子多艷羨焉入覲復
舉卓異再沐宴賞而三晉祠器不異桐川當事者採公
政學遷山東學憲公謂憲職風化之首齊魯聖賢之鄉
平生所學豈宜負此乃作憲約倡導之而俗習爲之一

新復作東省會約用規多士先行後文并謝請托一時
桃李稱盛無何轉漕儲大叅又無何轉鴈平兵備公以
尊父母倚閭乃經里便省痛難絕裾遂陳情終養畧曰
臣束髮受書每念人道大端曰忠與孝而出身大節曰
出與處臣于忠孝尚可以強全必不甘心自棄臣于出
處自非大不得已何肯耄老乞休疏上時以礦賊猖獗
聚衆盤據勢且蔓延難圖需公甚急乃不得上命揮泣
跪進至則多方勸諭無亡矢遺鏃之費而渠魁張守道
歸命授首衆悉解散兩院爲文其事時被欽恤復奉命

主而鴈平有羊叔子峴山矣于時尊大人以訃聞公抱
痛擗踊幾絕復甦乃曰吾忠孝出處于茲有餘恨哉歸
時無論軍民少長咸攀轅號泣如失父母抵里痛悔如
不欲生即爲尊大人建坊以彰寵異俗取石安陽山距
百里徭皆用民力公獨自備牛車搬運鄉民安堵襄事
後絕不通公刺每讀禮之暇接引賢士相與譚行已法
濁益儼然以師道風世而偕俗雷同之行一毫不與矣
公廬居憂毀遂不祿于壬辰之十月宦囊無長物但圖
書數帙而已大都公氣宇閎偉丰稜朗峻而辭色甚愉

興況尤佳宦游間所歷名山勝水每陟巔窮源務極嘗
咏而高懷雅致超然有物外之想所留有三嶽游等集

行于世

見張志

范縣令張公傳

余繼善

官人都星樞金鼎之地苟有片善則紀德誦功者不憚
緣飾而鋪張之銀班其管大書特書惟恐不崇朝而播
之天下也一命下吏即有茂能奇節既無氣焰可耐誰
其憐之而爲之垂不朽若范縣令張公松是已公以人
貲爲令則前何所冀而後何所待乎公獨飲冰茹蘖微

底無洋古范金鄉之冰壺清何以過之歷官十有八年
迨歸生無以養死無以歛苦極矣而公甘之蓋嗜義者
忘其身而好修者不論賢也夫天道無親常與善人公
砥行礪節若此而竟使之餓以死乃公之子若孫且凌
替漸燼也天之報施善人其何如哉雖然寵利者過眼
之流雲也名譽者不朽之盛事也公埋沒幾百年余獨
表而傳之俾芬芳與天壤俱盡則公之所得多矣是天
固不以尋常者厚公也噫公賢郎也卓卓如是彼激昂
青雲者宜又何如哉

見張志

少司馬冲白周公墓誌銘

凌義渠

宦官不應世襲疏

附

周之綱

公諱之綱字冲白萬曆甲辰進士授山東濟南府推官
丁外艱服闋補直隸廣平府推官清正平允爲畿南一
時李官之最甲寅考選刑科給事中奉節冊封新昌王
丁內艱服闋補吏科轉兵科右給事中時驛遞濫觴累
疏請剔積弊陞戶科左給事中時逆璫魏忠賢肆甚與
客氏表裏倡和熹宗以侍御功詔予襲蔭公抗疏反覆
切直羣奸側目歲甲子公副陳太史子壯典試浙闈已

陞辭矣會副都御史楊漣疏列忠賢罪狀舉朝動公
復拜微臣今已陞辭權璫終難緘口一疏略曰臣以資
序承乏試差半月以來杜門戒裝初見左都御史楊漣
特劾魏忠賢累累多款而臺省文章白簡上積臣不勝
籲天慶幸此正國家之福不欲貂璫權倖滋蔓君側亦
祖宗二百餘年養士之効有此大小臣工同心瀝血拮
擊奸邪不可謂非漢廷汲黯也皇上聰明天縱豈不知
公論之難過而故爲切責以箝臣下之口亦豈不知思
賢之克稔而故爲優容以釀肘腋之亂毋亦搏虎者不